

Kommuneqarfik Sermersuumi imigassanik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marts 2011-meersoq

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaanni nr. 11-mi, 11. november 2000-meersumi, Inatsisartut inatsisaata allanngortinneratigut Inatsisartut inatsisaatigut nr. 3-kkut, 31. maj 2001-imeersukkut allanngortinneqartumi, § 26, imm. 1, nr. 2, aamma § 27, imm. 3, malillugit aalajangersarneqarput:

Atuuffii

§ 1. Nalunaarut Tasiilamut aamma Ittoqqortoormiunut aamma nunaqarfinnut Kulusumut, Tiniteqilaamut, Sermiligaamut, Kuummiunut aamma Isortumut atuuppoq.

Imarisai pingaernerit

§ 2. Imigassanik 15 procentit kimittutigisumik taannaluunniit sinnerlugu aalakoornartortalinnik nioqquteqartarneq sassaallertarnerlu inerteqqutaapput.

§ 3. Tasiilami aamma nunaqarfinni Kulusumi, Tiniteqilaami, Sermiligaami, Kuummiuni aamma Isortumi imigassanik 2,25 procent sinnerlugu kimittutigisumik aalakoornartortalinnik nioqquteqartarneq sassaallertarnerlu ukiut tamaasa junip aallaqqaataanni inerteqqutaapput.

§ 4. Nunaqarfinni Tiniteqilaami, Sermiligaami aamma Isortumi, siuningaaniit inniminneereersimatinnani, imigassanik kimittuunik nioqquteqartarneq inerteqqutaavoq, taamaattorli § 5 takuuk.

§ 5. Nunaqarfinni Tiniteqilaami, Sermiligaami aamma Isortumi immiaaqqanik 4,10 procent taannaluunniit sinnerlugu kimittutigisumik aalakoornartortalinnik nioqquteqartarneq ajornartitaanngilaq.

Pineqaatissiisutit

§ 6. §§-inik 2-4-mut unioqqutitsisoqartilugu pineqaatissiisummik akiliisitsisoqarsinnaavoq.

Atortuulersinneqarnera

§ 7. Nalunaarut ulloq 4. marts 2011 atortuulersinneqarpoq.

Imm. 2. Peqatigitillugu Ammassalik kommuneani imigassamik aalakoornartulimmik nioqquteqannginnissaq aamma imigassanik 15% sinnerlugu aalakoornartortalinnik

sassaallertoqartannginnissaa pillugu Namminersornerullutik Oqartussat nalunaarutaat nr. 20, 30. juni 2008-meersoq, Ammassallip Kommuniani aalakoornartortalinnik nioqquteqartarneq sassaallertarnerlu pillugit Namminersornerullutik Oqartussat nalunaarutaat nr. 8, 31. maj 2007-imeersoq aamma Illoqortoormiut Kommuniani aalakoornartortalinnik nioqquteqartarnerup sassaallertarnerullu unitsikkallarnererat pillugu Namminersornerullutik Oqartussat nalunaarutaat nr. 10, 23. februar 2001-imeersoq, atorunnaarsinneqarput.

Namminersorlutik Oqartussat, ulloq 4. marts 2011

Agathe Fontain

/

Ann Birkekær Kjeldsen